



ԱՌԱՋՆՈՐԴԱՐԱՆ ՀԱՅՈՑ

Ա.Ս. ՆԱՅԱՆՔՆԵՐՈՒ ԱՐԵՄՏԵԱՆ ԹԵՄԻ

WESTERN PRELACY

OF THE ARMENIAN APOSTOLIC CHURCH OF AMERICA

H.E. ARCHBISHOP MOUSHEGH MARDIROSSIAN, PRELATE

Tel: 818-248-7737/8, Fax: 818-248-7745

E-mail: Prelacy@aol.com Website: www.westernprelacy.org



ՀՕՄ-Ի ՆՈՐԸՆՏԻՐ ՇՐՋԱՆԱՅԻՆ ՎԱՐՉՈՒԹԵԱՆ ՆԵՐԿԱՅԱՑՈՒՑԻՉՆԵՐԸ ԱՅՑԵԼԵՑԻՆ ԱԶԳԱՅԻՆ ԱՌԱՋՆՈՐԴԱՐԱՆ

Երեքշաբթի, 10 Օգոստոսի երեկոյեան, Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան Ազգային Առաջնորդարանին մէջ ընդունեց այցելութիւնը ՀՕՄի Արեւմտեան Միացեալ Նահանգներու Շրջանային Վարչութեան ներկայացուցիչներուն: Ծանօթ է, որ նոր կազմը ընտրուած էր ՀՕՄի պատգամաւորական ժողովին, որ տեղի ունեցաւ Յուլիս 15Էն 17ին, Ֆրեզնոյի մէջ: Պատուիրակութիւնը կը բաղկանար Տիկին Արուսեակ Մելքոնեանէ (ատենապետ), Օր. Նայիրի Տերտերեանէ (փոխ ատենապետ), Օր. Ռիթա Հիւնդեանէ (ատենադպիր), Տիկնայք Զրիսթին Բէշիշեանէ, Սեդա Յակոբեանէ եւ Զարմէն Լիպարիտեանէ: Հանդիպումին ներկայ եղան Կրօնական ժողովի ատենապետ Գերպ. Տ. Միւռն Ծ. Վրդ. Ազնիկեան, Ազգ. Վարչութեան ատենապետուհի Տիկին Ռիմա Պողոսեան եւ անդամ Տիար Սագօ Շիրիքեան:

Հիւր պատուիրակները, ծանօթացումէ ետք, շնորհակալութեան խօսք ուղղեցին Առաջնորդ Սրբազանին, որ, ինչպէս նախընթաց տարիներուն, այս տարի եւս անձամբ ներկայ եղած էր պատգամաւորական ժողովին, կատարած էր բացումը եւ ուղղած իր պատգամը: Անոնք ընդհանուր գիծերու մէջ խօսեցան ՀՕՄի Շրջ. Վարչութեան ծրագիրներուն մասին, որոնք խորքին մէջ մաս պիտի կազմեն ՀՕՄի երկրորդ դարը բացող աշխատանքներուն: Խորհրդակցութեան սիւթ եղան ՀՕՄի ծառայութեան դաշտերը, որոնք կը տարածուին սփիւռքեան գաղութներէն մինչեւ մայր հայրենիք՝ Հայաստան, Արցախ եւ Զաւախք:

Առաջնորդ Սրբազանը բարձր գնահատեց կնոջական այս մեծ կազմակերպութեան նուիրեալ աշխատանքն ու գործունեութիւնը, մաղթելով, որ յառաջիկայ տարիները առիթ ըլլան ո՛չ միայն ՀՕՄի գործունեութեան դաշտերուն ընդարձակման, այլ նաեւ մեր ազգային երազներուն իրականացման, առաջադրանքներ՝ որոնց աղերսակից է ՀՕՄը՝ իր բոլոր մակարդակի վարչութիւններով ու բազմաազար անդամներով: Ան նկատել տուաւ, որ Ս. Աթոռոյս գահակալ Ն.Ս.Օ.Տ.Տ. Արամ Ա. Կաթողիկոսին կողմէ 2010ը Հայ Կնոջ Տարի հռչակումը իւրայատուկ իմաստ կը զգենու ՀՕՄի գործունեութեան դիտանկիւնէն:

Ողջոյնի խօսք ուղղեց նաեւ Ազգ. Վարչութեան ատենապետուհի Տիկին Ռիմա Պօղոսեան, գնահատանք արձանագրելով ՀՕՄԻ եւ անդամներու ազգանուէր աշխատանքներուն մասին:

Հրաժեշտի պահուն, Առաջնորդ Սրբազանը յատուկ յուշանուէրներ յանձնեց հիր պատուիրակներուն:

ARS NEW REGIONAL EXECUTIVE MEMBERS VISIT THE PRELACY

On Tuesday, August 10th, 2010, H.E. Archbishop Moushegh Mardirossian, Prelate, welcomed members of the new ARS Regional Executive, which was elected at the General Assembly held from July 15-17 in Fresno.

The delegation was comprised of Mrs. Arousyak Melkonian (Chair), Ms. Nairi Derderian (Vice-Chair), Ms. Rigta Hintlian (Secretary), Mrs. Christine Keshishian, Mrs. Seta Hagopian, and Mrs. Carmen Libaridian. Joining the Prelate at the meeting were Very Rev. Fr. Muron Aznikian, Executive Council Chair Mrs. Rima Boghossian, and Executive Council member Mr. Sako Shirikian.

The delegation expressed their thanks to the Prelate for presiding over the opening of the General Assembly and conveying his message to the delegates, then gave a general overview of the endeavors the ARS will be undertaking as they begin their second century of service.

The Prelate highly commended the devotion and service of all the volunteers of the ARS, and wished unprecedented successes for the organization in the coming years. Mrs. Boghossian also took the opportunity to convey her commendation of the ARS and its members for the services they provide to Armenians worldwide.

At the conclusion of the meeting the Prelate presented each of the guests with mementos in celebration of the Year of the Armenian Woman.